

Broj: 03-02-59-1/2025
Sarajevo, 13.02.2025. godine

**PARLAMENT FEDERACIJE
BOSNE I HERCEGOVINE**

- Dom naroda -
gosp. Tomislav Martinović, predsjedavajući

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO** X5

Primljeno: 17-02-2025			
Org. jed.	Broj	Priloga	Vrijednost
02	- 02 -	198	125

PREDMET: Mišljenje Vlade Federacije Bosne i Hercegovine o Prijedlogu zakona o izmjenama Zakona o doprinosima

Veza Vaš akt broj: 02-02-198/25 od 14.01.2025. godine

Poštovana,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama člana 188. stav (3) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 27/03, 21/09, 24/20 i 60/24), u prilogu Vam dostavljam **MIŠLJENJE O PRIJEDLOGU ZAKONA O IZMJENAMA ZAKONA O DOPRINOSIMA**, kojeg je po hitnom postupku predložio **Aljoša Čampara, delegat u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 47. sjednici, održanoj 13.02.2025. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,


PREMIJER
Nermin Nikšić

Prilog: kao u tekstu na bosanskom jeziku

**Co: Federalno ministarstvo finansija -
Federalno ministarstvo financija
gosp. Toni Kraljević, ministar**

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 51. Poslovnika o radu Vlade Federacije Bosne i Hercegovine - Pročišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 188. stav (3) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09, 24/20 i 60/24) nakon razmatranja Prijedloga zakona o izmjenama Zakona o doprinosima, kojeg je po hitnom postupku podnio Aljoša Čampara, delegat u Domu naroda Parlamenta Federacije Bosne i Hercegovine, Vlada Federacije Bosne i Hercegovine je na 47. sjednici, održanoj 13.02.2025. godine, utvrdila sljedeće

MIŠLJENJE

Prijedlog zakona o izmjenama Zakona o doprinosima, koji se odnosi na smanjenje stopa doprinosa za obavezna osiguranja za 10,5 indeksnih poena, se ne prihvata.

Obrazloženje

Predloženo brisanje člana 10. tačka 2. i izmjena člana 10b. Zakona o doprinosima („Službene novine Federacije BiH“, br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21 i 6/23) i Presude Ustavnog suda Federacije Bosne i Hercegovine, broj: U-22/21 od 21.03.2023. godine („Službene novine Federacije BiH“, broj: 28/23), kojim bi se zbirna stopa doprinosa za obavezna osiguranja smanjila za 25,30%, odnosno za 10,50 indeksnih poena, na način da se ukinu propisane stope doprinosa, iz osnova radnog odnosa na osnovicu, i to: stopa doprinosa za penzijsko i invalidsko osiguranje od 6%, stopa doprinosa za zdravstveno osiguranje od 4% i stopa doprinosa za osiguranje u slučaju nezaposlenosti od 0,50%, kao i da se propisane stope za obavezna osiguranja na osnovicu za poduzetnike smanje u visini kako je to već navedeno za lica iz osnova radnog odnosa, imalo bi za posljedicu veliki pad prihoda od doprinosa koji bi direktno ugrozio održivost vanbudžetskih fondova kao i ostvarivanje prava iz obaveznih osiguranja (isplata penzija, zdravstvena zaštita i zaštita nezaposlenih lica).

Izmjene Zakona o doprinosima na predloženi način, na osnovu detaljne procjene utjecaja predloženog smanjenja zbirne stope doprinosa za 10,50 indeksnih poena, odnosno smanjenja zbirne stope doprinosa za obavezna osiguranja za 25,30%, koja je izvršena na osnovu podataka dostavljenih iz Baze podataka Porezne uprave Federacije BiH, za posljedicu bi imale očekivani pad prihoda od doprinosa na godišnjem nivou oko 1.392.000.000,00 KM, odnosno, čak i u situaciji kad se uzmu u obzir efekti porasta prihoda uslijed povećanja najniže plaće u 2025. godini, očekivani pad prihoda na godišnjem nivou je oko 1.047.000.000,00 KM. Shodno tome Prijedlog zakona o izmjenama Zakona o doprinosima je neprihvatljiv.

Federalno ministarstvo finansija, kao ovlašteni predlagač Zakona o doprinosima, intenzivno radi i analizira sve moguće opcije vezano za smanjenje zbirne stope doprinosa,

rasterećenje privrede kroz smanjenje troška plaća, kao i suzbijanje sive ekonomije, uvažavajući kompleksnost trenutne fiskalne održivosti Fonda penzijskog i invalidskog osiguranja, fondova zdravstvenog osiguranja i fondova zapošljavanja iz kojih radnici crpe svoja prava.

V. broj: 99 /2025
13.02.2025. godine
Sarajevo



PREMIJER

Nermin Nikšić